



ԵՐԵՎԱՆԻ ՔԱՂԱՔԱՊԵՏԱՐԱՆ

ՎԱՐՉԱԿԱՆ ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ ԳՈՐԾԵՐԻ
ՔՆՆՈՒԹՅԱՆ ԲԱԺԻՆ

ՈՐՈՇՈՒՄ N° Վ- 16/16

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«18» ապրիլ 2021թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Արաբկիր վարչական շրջանի ղեկավարի աշխատակազմի աշխատակից Վ. Հովսեփյանի կողմից 19.02.2021 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 157.15-րդ հոդվածի 3-րդ մասով նախատեսված վարչական իրավախախտում, մասնավորապես՝ կառուցապատող Երևանի «Լուսատեխնիկ» բաց բաժնետիրական ընկերության տնօրեն Էդվարդ Արտաշեսի Վանյանի կողմից Երևան քաղաքի Կոմիտասի պողոտայի հ. 59 հասցեում բազմաֆունկցիոնալ բնակելի համալիրի կառուցման համար նախատեսված շինարարական հրապարակը պատշաճ կազմակերպված չէ, մասնավորապես՝ տարածքը և Տիգրանյան փողոցը գտնվում էին կեղտոտ և ցեխոտ վիճակում, որի վերաբերյալ 03.03.2021 թվականին կազմվել է վարչական իրավախախտման վերաբերյալ թիվ 037646 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը կառուցապատող Երևանի «Լուսատեխնիկ» բաց բաժնետիրական ընկերության տնօրեն Էդվարդ Արտաշեսի մասնակցությունն ապահովելու նպատակով Երևանի քաղաքապետարանի կողմից միջոցներ են ձեռնարկվել կառուցապատող Երևանի «Լուսատեխնիկ» բաց բաժնետիրական ընկերության տնօրեն Էդվարդ Արտաշեսի Վանյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը մինչ օրս չեն վերադարձվել, իսկ քաղաքացին չի ներկայացել Երևանի քաղաքապետարան, ուստի նկատի ունենալով, որ չի ապահովվել վերջինիս պատշաճ ծանուցումը, հետևապես առկա է իրավական հիմք՝ մինչ կառուցապատող Երևանի «Լուսատեխնիկ» բաց բաժնետիրական ընկերության տնօրեն Էդվարդ Արտաշեսի Վանյանին պատշաճ ծանուցման փաստի առկայությունը՝ կասեցնել գործի վարույթը:

Հաշվի առնելով, որ Օրենսգրքի դրույթներով չեն կանոնակարգվում վարչական իրավախախտման վերաբերյալ վարույթների կասեցման դեպքերը, հիմքերն ու կարգը, և այդպիսի կարգավորումները սահմանվում են «Վարչական հիմունքների և վարչական վարույթի մասին» օրենքով (հետայսու՝ Օրենք), ուստի ղեկավարվելով Օրենքի 49-րդ հոդվածի 1-ին մասի «բ» կետով՝ 03.03.2021 թվականին կազմված հ. 037646 արձանագրության հիման վրա հարուցված վարչական վարույթը 08.04.2021 թվականի հ. Վ-13/25 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը կառուցապատող «Լուսատեխնիկ» բաց բաժնետիրական ընկերության տնօրեն Էդվարդ Արտաշեսի Վանյանի մասնակցությունը

ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել կառուցապատող Երևանի «Լուսատեխնիկ» բաց բաժնետիրական ընկերության տնօրեն Էդվարդ Արտաշեսի Վանյանին Երևանի քաղաքապետարանում 28.04.2021 թվականին կայանալիք գործի քննությանը ծանուցելու համար:

Երևան քաղաքի Արաբկիր վարչական շրջանի ղեկավարի 20.04.2021 թվականի հ. 25/01-46587 գրության համաձայն՝ գործի քննության անցկացման վերաբերյալ ծանուցումը հանձնվել է հասցեատիրոջը:

Կառուցապատող Երևանի «Լուսատեխնիկ» բաց բաժնետիրական ընկերության տնօրեն Էդվարդ Արտաշեսի Վանյանը ծանուցված լինելով 28.04.2021 թվականին կայանալիք գործի քննության տեղի և ժամանակի մասին՝ չներկայացավ, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, 08.12.2020 թվականի հ. 01/18-S-845-1712 շինարարության թույլտվությունը, սեփականության իրավունքի պետական գրանցման վկայականի պատճենը, Արաբկիր վարչական շրջանի ղեկավարի աշխատակազմի աշատակցի 03.03.2021 գրավոր բացատրազիրը, Երևան քաղաքի Արաբկիր վարչական շրջանի ղեկավարի 12.04.2021 թվականի հ. 25/01-40053, 20.04.2021 թվականի հ. 25/01-46587 գրությունները, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 19.03.2021 թվականի հ. 19/27197 գրությունը և իրավախախտման լուսանկարները:

3. Գործի քննությունն իրականացնող իրավասու պաշտոնատար անձի պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ կառուցապատող Երևանի «Լուսատեխնիկ» բաց բաժնետիրական ընկերության տնօրեն Էդվարդ Արտաշեսի Վանյանի կողմից Երևան քաղաքի Կոմիտասի պողոտայի հ. 59 հասցեում բազմաֆունկցիոնալ բնակելի համալիրի կառուցման համար նախատեսված շինարարական հրապարակի տարածքից բեռնատար մեքենաների ելքը դեպի Տիգրանյան փողոց մաքուր անվադողերով ապահովելու համար դրանց լվացումը պատշաճ կազմակերպված չէ և շինարարական հրապարակից դուրս ընդհանուր օգտագործման ճանապարհահատվածի սանիտարական վիճակը պատշաճ ապահովված չէ, ինչի արդյունքում շինարարական հրապարակի մուտքին հարող տարածքը /Տիգրանյան փողոց ելնող հատվածը/ գտնվում է աղտոտված, ցեխոտ վիճակում: Կառուցապատող Երևանի «Լուսատեխնիկ» բաց բաժնետիրական ընկերության տնօրեն Էդվարդ Արտաշեսի Վանյանի կողմից ապահովված չէ Երևան քաղաքի ավագանու 16.03.2012թ. N 405-Ն որոշմամբ հաստատված կարգի 6-րդ կետի 4-րդ, 7-րդ կետի 7-րդ, 9-րդ ենթակետերով սահմանված պայմանները:

Կառուցապատող Երևանի «Լուսատեխնիկ» բաց բաժնետիրական ընկերության տնօրեն Էդվարդ Արտաշեսի Վանյանի կողմից թույլ է տրվել Օրենսգրքի 157.15-րդ հոդվածի 3-րդ մասով նախատեսված վարչական իրավախախտում:

Հաշվի առնելով, որ կառուցապատող Երևանի «Լուսատեխնիկ» բաց բաժնետիրական ընկերության տնօրեն Էդվարդ Արտաշեսի Վանյանը չի ներկայացել գործի քննությանը, որի շրջանակներում հնարավորություն ունեին ներկայացնելու բացատրություններ և պարզաբանումներ իրավախախտման հետևանքների վերացրած լինելու մասին, որի վերաբերյալ չեն ներկայացրել նաև որևէ գրավոր դիրքորոշում, ինչպես նաև հետզոտելով գործում առկա բոլոր նյութերը, հետևում է, որ տվյալ դեպքում առկա չէ վարչական իրավախախտման համար պատասխանատվությունը մեղմացնող հանգամանքը:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող

հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 157.15-րդ հոդվածի 3-րդ մասի համաձայն՝ կառուցապատվող օբյեկտներում շինարարական հրապարակների տարանջատման ու սանիտարական վիճակի ապահովման պայմանները չպահպանելը առաջացնում է տուգանքի նշանակում՝ սահմանված նվազագույն աշխատավարձի յոթանասունապատիկից մինչև հարյուրապատիկի չափով:

Օրենքի 1-ին հոդվածի համաձայն՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Օրենքի 49-րդ հոդվածի 1-ին մասի «բ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Օրենքի 49-րդ հոդվածի 3-րդ մասի համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 34-րդ հոդվածով, 157.15-րդ հոդվածի 3-րդ մասով, Օրենքի 49-րդ հոդվածի 1-ին մասի «բ» կետով, 3-րդ մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. Կառուցապատող Երևանի «Լուսատեխնիկ» բաց բաժնետիրական ընկերության տնօրեն Էդվարդ Արտաշեսի Վանյանի նկատմամբ 08.04.2021 թվականի հ. Վ-13/25 որոշմամբ կասեցված վարչական վարույթը վերսկսել:

2. Կառուցապատող Երևանի «Լուսատեխնիկ» բաց բաժնետիրական ընկերության տնօրեն Էդվարդ Արտաշեսի Վանյանին Օրենսգրքի 157.15-րդ հոդվածի 3-րդ մասով ենթարկել վարչական պատասխանատվության՝ նշանակելով վարչական տույժ 100.000 (մեկ հարյուր հազար) ՀՀ դրամ գումարի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԲԱԺՆԻ ՊԵՏ՝

ԱՐԱՄ ԱՐՈՎՅԱՆ

